



# YSGOL BRYNREFAIL

## SBOTOLAU AR : **Loisi Poisi**

### **CYSTADLEUAETH Y GADAIR 2010**

Enillydd y gadair eleni, ac i'w gweld yn eistedd yn hedd ei chadair, yw Loisi Poisi sef Lois Jones, Blwyddyn 13. Cafodd ein gohebydd air gyda hi.

***Yn gyntaf Lois, pa bentref ac Ysgol gynradd sy'n dathlu dy lwyddiant?***

Wel, dwi'n byw ym mhentref Penisarwaun a chefais fy addysg gynnar yn Ysgol Gymunedol Penisarwaun.

***Rwyf ti'n astudio ar gyfer dy lefel A' ar hyn o bryd.***

Ydw yn astudio Cymraeg, Saesneg a Hanes ac yn gobeithio mynychu prifysgol i astudio Llenyddiaeth Saesneg ac Astudiaethau Americanaidd.

***A beth wnaeth dy ysgogi i ysgrifennu'r stori a'i gosod yng nghyfnod yr ail ryfel byd?***

Wel mi gefais fy ysgogi yn rhannol gan deitl y gystadleuaeth ond hefyd wedi astudio'r cyfnod dros y blynyddoedd yn fy ngwersi hanes.

***A thu allan o dy fywyd Ysgol ti'n ymddiddori yn ....***

Dwi'n hoffi gwrando ar gerddoriaeth, yn hoffi ffilmiau, cymdeithasu a darllen nofelau, yn bennaf nofelau Saesneg, gwaith awduron fel Thomas Hardy, Neil Strauss, Candice Bushnell.

***Dyma dy gadair gyntaf, sut deimlad oedd hi i sefyll ar alwad y corn gwlad.***

O, coeliwch rown i'n crynu fel deilen, yn ofnus ond yn falch, falch iawn tu mewn.

